

2025EKO MAIATZAREN 29AN TOKIKO GOBERNU BATZORDEAK EGINDAKO OHIKO BILERAREN AKTA

MODUA: Presentzialki

TOKIA: Batzar aretoa

EGUNA: Hogeita bederatzia

HILABETEA: Maiatza

URTEA: Bi mila eta hogeita bost.

HASIERAKO ORDUA: Arratsaldeko bostak

BATZARRALDIAREN IZAERA: Ohikoa

DEIALDIA: Lehena

OSATZEN DUTEN PARTAIDEEN KOPURUA: Sei (6)

MAHAIBURUA: Leire Artola Ugalde (EAJ-PNV)

BILDUA: Adur Ugartemendia Leunda (EAJ-PNV)

Mariola Pascual Paredes (EAJ-PNV)

Hasier Agirre Elkoroberezibar (Beasaingo EH Bildu)

Eva Alvarez Atanes (Socialistas Vascos-Euskal Sozialistak)

Wesley Aritz Corsitto Agirre (ELKARREKIN PODEMOS EZKER ANITZA / IU-ALIANZA VERDE).

IDAZKARIA: ITZIAR AROZTEGUI APAOLAZA

1.- AURREKO AKTAK: 2025-04-10eko eta 2025-04-30eko akten onespenak.

Akten berri eman ondoren, aho batez onartu dira.

2.- ANTOLAKUNTZA BATZORDEKO PROPOSAMENA:

a.- ONDORENGO ZERBITZUA KONTRATATZEA: HERRITARREI ZUZENDUTAKO SENTSIBILIZAZIO-PROGRAMA BAT GAUZATZEA HELBURU HONEKIN: DESGAITASUN INTELEKTUALA DUTEN PERTSONEI GARATZEKO, PRESTATZEKO ETA PARTE HARTZEKO AUKERA EMATEA, LEKU KOMUNITARIO ETA IKUSGARRIETAN. KONTRATUA ENPLEGU GIZARTE-EKIMENEN ZENTRO BEREZIENTZAT ETA ARAUTUTAKO GIZARTERATZE-ENPRESENTZAT ERRESERBATUTAKOA. Plegua onartzea eta lizitazioaren deialdi publikoa. 2025PEBO0037

2025-05-22ko Antolakuntza Batzordeko proposamenaren berri eman da: Aipatutako zerbitzua kontratatzeke baldintza administratiboa onartzea eta lizitazioa, deialdia publikoaren bidez egitea, Euskadiko kontrataziorako plataforman argitaratuz.

1.- *Prozedura: irekia publizitatearekin. Lizitazio elektronikoa.*

2.- *Izapidetzea: arrunta eta irekia.*

3.- Lizitazio prezioa:

- Urteko lizitazio prezioa: 21.353,73 € + 4.484,28 (BEZ)= 25.838,01€.

4.- Egikaritze epea: Bi urte kontratua formalizatzen den hurrengo egunetik zenbatzen hasita. Luzapen bat bi urtetarako.

5.- Kaudimen ekonomiko, finantzarioa: Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 46.955,60 € gutxienez.

6.- Kaudimen tekniko:

- Azken hiru urteetan emandako zerbitzuen zerrenda.
- Kontratuari atxikitako pertsonalak adimen desgaitasuna izan behar du.
- Koordinatzailearen izendapena udalarekin bitartekari izateko. Pertsona honek, B2, ahozko mailan, hizkuntza gaitasuna izan behar du.

7.- Aurkezteko epea eta lekua: 15 egun lizitazio-iragarkia kontrataziorako plataforman argitaratzen den hurrengo egunetik kontatzen hasita.

8.- Adjudikazio irizpideak:

Formula automatikoen bidez baloratzen ez diren irizpideak (50 puntu): Proposamen teknikoa.

Formula automatikoen bidez puntuatzeko irizpideak. (50 puntu): Proposamen ekonomikoa

9.- Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.

10.- Aurkeztu beharreko agiriak: Lizitatzailleek administrazio-baldintzen Pleguan adierazitako agiriak aurkeztu beharko dituzte.

11.- Kontratua gauzatzeko baldintza bereziak:

- Lan-merkatuan emakumeek gehiago parte hartzea eta lan- eta familia-bizitza bateragarriak izan daitezen erraztea.
- Langabeziari aurre egitea, batez ere gazte, emakume eta luzaroko langabeenari.
- Lantokian prestakuntza jasotzen laguntzea.
- Kontratua hizkuntza-ofizialtasun bikoitzaren araubidearen mende dago.

Lizitazioaren ezaugarri garrantzitsuenaren berri eman ondoren, Idazkariak esan du pleguan, Kontratu-legearen 130. artikulua dioenaren arabera, ez dela aurreikusi egun zerbitzua ematen duen pertsonalaren subrogazioa, egun ez dagoelako indarrean inolako lan-hitzarmenik horretara behartzen duenik.

Kontratu-legearen 130.1 artikulua ondorengoa dio: Legezko arau batek, hitzarmen kolektibo batek edo eraginkortasun orokorreko negozioak kolektiboko akordio batek esleipendunari ezartzen badio lan-harreman jakin batzuetan enplegatzaile gisa subrogatzeko betebeharra, kontratazio-organoaren mendeko zerbitzuek, pleguan bertan, subrogazioak eragiten dien langileen kontratuen baldintzei buruzko informazioa eman beharko diete lizitatzaillei, neurri horrek ekarriko dituen lan-kostuen ebaluazio zehatza egin ahal izateko. Era berean, informazio hori artikulua honetan aurreikusitakoa betez ematen dela jaso beharko da.

Orain arte, langileen eskubideak arautzen zituen lan-hitzarmena 2019koa eta 2024ko enpresaren akordio kolektiboa iraungita daude.

Bildutakoek garrantzia ematen diote subrogazio-betebeharrari aipamena egitea orain arte lizitaziora aurkeztu den enpresaz gain beste bat aurkeztu ezkeru egun dauden langileekin, zerbitzua emateko eta ez beste batzuekin.

Alkatearen ustetan ezinbestekoa da dauden langileekin lana burutzea kontuan izanda administrazio-antolakuntzan integratuta egoteko beraiekin pedagogia lana egin dela tutore baten bidez.

Gauzak horrela, aho batez erabaki da gaia mahai gaineen uztea eta juridikoki aztertzea ea aukera dagoen pleguetan subrogazioaren betebeharra ezartzea nahiz eta egun indarrean ez egon lan-hitzarmenik hori aipatzen duenik.

Tokiko Gobernu Batzordeak ekainean egingo duen bileran berriro lizitazioa onartzeko proposamena eramango da.

3.- HERRITARRAK BATZORDEKO PROPOSAMENA:

a.- KONTRATAZIOA. PLEGUAK ONARTZEA ETA LIZITAZIOEN DEIALDI PUBLIKOAK:

- **HIZKUNTZA ERREFORTZU ZERBITZUA. 2025ESEP0003**

2025-05-22ko Herritarrak Batzordeko proposamenaren berri eman da: Aipatutako zerbitzua kontratatzeko baldintza administratiboa onartzea eta lizitazioa, deialdia publikoaren bidez egitea, Euskadiko kontrataziorako plataforman argitaratuz.

- 1.- *Prozedura: irekia publizitatearekin. Lizitazio elektronikoa.*
- 2.- *Izapidetzea: arrunta eta irekia.*
- 3.- *Lizitazio prezioa:*

- *Urteko lizitazio prezioa: 80.659,95 € (BEZtik salbuetsita).*

4.- *Egikaritze epea: Bi ikasturte, hau da, 2025-09-8tik 2027-06-30era bitarte. Bi luzapen egiteko aukera, ikasturte-ikasturtez.*

5.- *Kaudimen ekonomiko, finantzarioa: Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 129.515,93 € gutxienez.*

6.- *Kaudimen teknikoa:*

- *Azken hiru urteetan emandako zerbitzuen zerrenda.*
- *Kontratuari atxikitako pertsonalak (gutxienez hiru langile lanaldi erdian), ondorengo tituluen jabe izango dira: Hezkuntza-graduak edo gizarte-laneko titulua, euskarazko C1 mailakoa eta adingabeekin lan egiteko sexu-delituen ziurtagiria.*
- *Koordinatzailearen izendapena udalarekin bitartekari izateko. Pertsona honek ere euskarazko C1 mailakoa.*

Kontratua sinatu aurretik langile horiek izatearen konpromisoa onartuko da.

7.- *Aurkezteko epea eta lekua: 15 egun lizitazio-iragarkia kontrataziorako plataforman argitaratzen den hurrengo egunetik kontatzen hasita.*

8.- *Adjudikazio irizpideak:*

Formula automatikoen bidez baloratzen ez diren irizpideak (50 puntu): Memoria.

Formula automatikoen bidez puntuatzeko irizpideak. (50 puntu): Proposamen ekonomikoa

9.- *Proposamenak irekitzeko lekua, eguna eta ordua: plika irekitzea kontratatzailearen profilean argitaratzen den tokian, egunean eta orduan egingo da.*

10.- *Aurkeztu beharreko agiriak: Lizitatzailerik administrazio-baldintzen Pleguan adierazitako agiriak aurkeztu beharko dituzte.*

11.- *Kontratua gauzatzeko baldintza bereziak:*

- *Lan-merkatuan emakumeek gehiago parte hartzea eta lan- eta familia-bizitza bateragarriak izan daitezen erraztea.*
- *Langabeziari aurre egitea, batez ere gazte, emakume eta luzaroko langabeenari.*
- *Lantokian prestakuntza jasotzen laguntzea.*

- Kontratua hizkuntza-ofizialtasun bikoitzaren araubidearen mende dago.

Hitz egiteko txanda eman ondoren bildutakoek proposamenarekiko ondorengo iritzia azaldu dituzte:

Hasier Agirre Elkoroberezibar jaunak (Beasaingo EH Bildu): "Gure jarrera abstentzioarena da. Iruditzen zaigu zerbitzu hau modu oso akademikoan ematen dela eta inoiz aipatu dugun bezala getoa sortzen da, batez ere zuzenduta dagoelako euskararekin arazoak dituztenentzat. Guk beste eredu bat erabiliko genuke. Etxeko lanak egiten laguntzetik at, euskararen errefortzurako aisialdia erabiliko genuke eta nahasketa gehiago izaten saiatuko ginateke.

Eva Alvarez Atanes andreak (Socialistas Vascos-Euskal Sozialistak): "Nosotros estamos a favor. Se constata una evolución y es una buena herramienta".

Alkate andreak (EAJ-PNV): "Ikasle asko daude euskararekin arazoak dituztenak. Jarraipena egiten zaie. Etxeko lanak egiten laguntzen bazaie ere, helburua aisian euskara da txertatzea da. Foru Aldundiarekin harremanetan gaude zerbitzu hau geroz eta gehiago eraginkorra izan dadin eta herri batek baino gehiagok pausoa eman dute zentzu honetan."

Gai behar adina eztabaidatu ondoren, bozketa egin da eta ondorengo emaitza lortu da:

Aldeko botoak: 5 (EAJ-PNV, Socialistas Vascos-Euskal Sozialistak, ELKARREKIN PODEMOS EZKER ANITZA / IU-ALIANZA VERDE)

Aurkako botoak: 0

Abstentzioak 1 (Beasaingo EH Bildu)

Horren ondorioz, gehiengo osoarekin onartu da proposamena.

- BEASAINGO UDALERRIAN GIZARTE ETA HEZKUNTZA-ARLOAN ETA ARLO PSIKOSOSIALEAN ESKU HARTZEA.

2025-05-22ko Herritarrak Batzordeko proposamenaren berri eman da: Aipatutako zerbitzua kontratatzeke baldintza administratiboa onartzea eta lizitazioa, deialdia publikoaren bidez egitea, Euskadiko kontrataziorako plataforman argitaratuz.

1.- Prozedura: irekia publizitatearekin. Lizitazio elektronikoa.

2.- Izapidetzea: arrunta eta harmonizatua.

3.- Lizitazio prezioa:

- Urteko lizitazio prezioa: 379.884,12 € + 37.988,41 € (BEZ): 417.872,53 €

4.- Egikaritze epea: Bi urte. Bi luzapen egiteko aukera, baina urtez urte.

5.- Kaudimen ekonomiko, finantzarioa: Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 569.826,18 € gutxienez.

6.- Kaudimen teknika:

- Azken hiru urteetan emandako zerbitzuen zerrenda.
- Kontratuari atxikitako pertsona: koordinatzailea (gizarte Zientzietan diplomatu), psikoterapeuta-psikologoa (psikologian lizenziatua, psikologoaren elkargoan izatea, familiaren esku-hartzean gutxienez urtebeteko eskarmentua izatea), gizarte-hezitzaile diplomatuak (gutxienez, 7.300 ordu/urteko)
- Enpresa eta udalaren arteko Koordinatzailea.

Guztie euskarazko C1 maila izan behar dute..

Kontratua sinatu aurretik langile horiek izatearen konpromisoa onartuko da.

7.- Aurkezteko epea eta lekua: 30 egun Europa Batasuneko argitalpen bulegora iragarkia bidaltzen denetik..

8.- Adjudikazio irizpideak:

Formula automatikoen bidez baloratzen ez diren irizpideak (50 puntu): Memoria.

Formula automatikoen bidez puntuatzeko irizpideak. (50 puntu): Proposamen ekonomikoa

9.- Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.

10.- Aurkeztu beharreko agiriak: Lizitatzailleek administrazio-baldintzen Pleguan adierazitako agiriak aurkeztu beharko dituzte.

11.- Kontratua gauatzeko baldintza bereziak:

- Lan-merkatuan emakumeek gehiago parte hartzea eta lan- eta familia-bizitza bateragarriak izan daitezen erraztea.

- Langabeziari aurre egitea, batez ere gazte, emakume eta luzaroko langabeenari.

- Lantokian prestakuntza jasotzen laguntzea.

- Kontratua hizkuntza-ofizialtasun bikoitzaren araubidearen mende dago.

Alkate andreak azaldu du psikologoaren figura errefortzatu egin dela dedikazio gehiago eskatuz.

Alderdi sozialista ordezkariaren galderari erantzunez adierazi da zerbitzuari atxikitako langile guztiei, ez bakarrik koordinatzaileari, C1 euskararen maila eskatzen zaiela.

Bozketa eginda, aho batez onartu da proposamena.

b.- ZERBITZUAREN ESLEIPENA: USURBE ANTZOKIAREN, ERAKUSKETA/ESPERIMENTAZIO ARETOAREN ETA "BONBERIE" ERAIKINAREN KUDEAKETA. 2025LIKU0001

2025-05-27ko kontratazio mahaiaren proposamenaren berri eman da:

"1.- 2025-04-10. Gobernu Batzordeak onartu zuen deialdi publikoaren bidez aipatutako zerbitzua kontratatzea. Horretarako plegu administratiboak eta teknikoak onartu ziren. Prozedura irekia eta Izapidetzea harmonizatua ez da

2.- 2025-04-14. EAAOean eta Euskadiko plataforman deialdia argitaratu zen.

3.- 2025-05-11. Proposamenak aurkezteko epearen amaiera.

4.- Epe horretan enpresa lizitatzaille bakarra aurkeztu zen:

IFK:

B75097667

Sozietate-izena: GOIKUS KUDEAKETA S.L.

Erregistro-data: 2025/05/08 22:26

5.- Onartutako pleguaren arabera, honako agiri hauek aurkeztu behar dira A artxibo elektronikoan: administrazio-dokumentazioa: EKAB (1. eranskina), kontratua gauatzeko atxikitako langileak, koordinatzailea izendatzea eta hizkuntza-gaitasuneko tituluak (Europako Erreferentzia Esparruko B2 hitzezko mailan, ahoz) eta 3. Eranskina.

6.- Lizitazioan parte hartzeko biltzen diren kaudimen ekonomiko eta teknikoko baldintzak honako hauek dira:

Kaudimen ekonomikoa. Negozio-bolumena ez da 310.000 €-tik beherakoa izango azken hiru urte erabilgarrien arteko ekitaldirik onenean.

Kaudimen teknikoa: Antzeko zerbitzuak azken hiru urteetan emandakoak (205.799,44 €-tik beherakoa ez dena), kontratua gauzatzeko atxikitako langile teknikoaren aipamena, publikoarekin harremana izango duen pertsona eta Udalarekin koordinatzeko pertsona identifikatzea.

Hizkuntza-gaitasuna: Europako Erreferentzia Esparruko B2, hitzezko mailan.

7.- Enpresa lizitatzailerak aurkeztutako dokumentazioa aztertu ondoren, ondorengoa egiaztatu zen:

- Aurkeztutako EKAB zuzena da.
- Kontratuaren arduraduna identifikatzen da.
- Baliabide pertsonal eta materialen konpromisoa atxikitzen da, adieraziz zeintzuk diren .
- Kontratuari atxikitako pertsonalak eskatutako hizkuntza eskakizuna betetzen duela egiaztatu da.

8.- Horren ondorioz lizitatzailerari onartu egin zitzaion lizitazioan parte hartzen.

9.- 2025-05-16. B artxibo elektronikoaren irekiera burutu zen (judizio bidez baloratuko diren esleipen-irizpideak: Proposamen Teknikoa), 50 puntuekin baloratzen dena.

10.- Kontratazio Mahaiko kide teknikoek proposamen teknikoa aztertu ondoren, balorazio-txostena eman zuten. Mahaiko gainerako kideek aztertu ostean oniritzia eman zioten. Txostena kontratazioaren plataforman argitaratu zen C artxibo elektronikoa ireki aurretik.

Lizitatzailerak lortutako puntuazioa 35 puntukoa izan da.

11.- 2025-05-27. Ekintza publikoan C artxibo elektronikoaren irekiera egiten da: formula automatikoen bidez baloratuko diren irizpideak. Hain zuzen ere proposamen ekonomikoa, 50 puntuekin baloratzen dena.

- Urteko lizitazio prezioa: 270.866,25 € + BEZ (40 puntu).
- Orduko prezioa 29,61 €+ BEZetik behera, plegu teknikoaren I. eranskinean ezarritako erabileretatik kanpo emandako zerbitzuengatik (10 puntu).

C artxibo elektronikoa ireki ondoren, lizitatzailerak eskainitako prezio ondorengoa da:

- Urteko lizitazio prezioa: 250.800 € + 52.668 € (BEZ).
- Orduko prezioa 18 € + 3,78 € (BEZ), plegu teknikoaren I. eranskinean ezarritako erabileretatik kanpo emandako zerbitzuengatik.

12.- Balorazioa guztira:

	Memoria	Urteko prezioa	Prezio unitarioa	GUZTIRA
GOIKUS KUDEAKETA S.L.	35	40	10	85

Horren ondorioz, Kontratazio Mahaia kontratazio organoari (Tokiko Gobernu Batzordea) ondorengo erabaki proposamena egiten dio:

Lehenik: GOIKUS KUDEAKETA S.L., enpresari ondorengo zerbitzua esleitzea: Usurbe antzokiaren, erakusketa/esperimentazio aretoaren eta "Bonberie" eraikina kudeatzea.

Bigarren. Esleipena baldintza-pleguen (administratiboa eta teknikoa), eta enpresak aurkeztutako eskaintzaren arabera egiten da.

Baloratu diren eta, horren ondorioz, kontratistarentzat lotesleak direnen artean (ikus B artxibo elektronikoaren balorazio-txostena), egutegiarena aipatu, hau da, instalazioen irekiera eta itxiera-datak denboraldiarekiko, irailaren 1etik uztailaren 31ra izango dira. Abuztuan ez da zerbitzurik emango.

Hirugarren. Kontratuaren prezioa:

- Urteko lizitazio prezioa: 250.800 € + 52.668 € (BEZ).
- Orduko prezioa 18 € + 3,78 € (BEZ), plegu teknikoaren I. eranskinean ezarritako erabileretatik kanpo emandako zerbitzuengatik.

Laugarren. Egikaritze epea: Bi urte kontratua sinatu eta hurrengo egunetik kontatzen hasita. Luzapenak: Bai. Bi luzapen bakoitza urte betekoa.

Bosgarren. Berme epea: Zerbitzuaren harrera egiten denetik, sei hilabete.

Seigarren. Kontratuaren arduraduna, Euskara eta Kultura koordinatzailea.

Zazpigarren. Enpresako arduraduna Udalarekin koordinatzeko, Edorta Martinez Fraile izango da.

Zortzigarren. Kontratuari atxiki beharreko pertsonala ondorengoak izango da:

- Publikoarekin harremana izango duen personal teknikoa / Personal técnico para relacionarse con el público:

- Xabier Amenabarro Auzmendi (kide-administratzailea, teknikaria)
- Edorta Martinez Fraile (kide-administratzailea, teknikaria)
- Asier Perez Zanca (teknikaria)
- Andrea Latasa Azpilicueta (komunikazio arduraduna)

- Bestelako giza-baliabideak / otro personal:

- Ylenia Donsión Alegre (garbiketa arduraduna)

Bederatzigarren. Esleipendunari eskatzea hamar egun balioduneko epean, errekerimendua egin eta hurrengo egunetik aurrera zenbatzen hasita, kontratazio plataformaren bidez dokumentazio hau aurkez dezala:

1. 25.080 €ko behin betiko fidantza edo banketxeko abala.
2. Zerga-betebeharrak eta Gizarte Segurantzarekikoak egunean dituela egiaztatzen duen ziurtagiria, EJZn alta emanda.
3. Arrisku profesionalengatik kalte-ordainen aseguru poliza, gutxienez a 600.000,00 €koa.

Hamargarren. Fidantza eta bestelako dokumentazioa aurkeztu ondoren, behin betiko esleipena egingo da. Horretarako Alkateari baimena ematen zaio. Ondoren, dagokion administrazio-kontratua sinatu beharko da.

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz, bozketa eginda aho batez onartu da proposamena.

c.- BEASAINGO UDALAREN ETA BEASAINGO ANDRE MARI ZERURATUAREN PARROKIAREN ARTEKO HITZARMENA. 2025HIKU00018

2025-05-22ko Herritarrak Batzordeko proposamenaren berri eman da:

“BEASAINGO UDALA ETA ANDRE MARI ZERURATUAREN PARROKIAREN ARTEKO HITZARMENA, BEASAINGO ANDRE MARIAREN JASOKUNDEKO ELIZAKO HORMA-PINTURA ERRENAZENTISTAK KONTSERBATZEKO ETA ZAHARBERRITZEKO.

BILDURIK

Alde batetik, Leire Artola Ugalde andrea BEASAINGO UDALAREN (IFK, P2002100B), ordezkari gisa, Alkatea den heinean, Korporazio osatzeko bileran 2023-06-17an kargu hori betetzeko izendatua izan zelako. Egintza honetarako ahalmena, Toki Araubidearen Oinarriak arautzen dituen apirilaren 2ko 7/1985 Legearen 21,1b)artikuluak ematen dio.

Beste aldetik, Javier Churruca González jauna, BEASAINGO ANDRE MARIAREN ZERURATZE PARROKIAREN (IFK, R2000238B) Parrokia (Tomas Iraola Sarasua, Donostiako Elizbarrutiko Kantziller-Idazkari orokorrak 2023-06-08an emandako agiriaren arabera), ordezkari gisa. Parrokia den heinean ekintza honetarako ahalmena du, Zuzenbide Kanonikoaren Kodearen 532 arauak dioenaren arabera, hots: Parrokoak parrokia ordezkatzeko du negozio juridiko guztietan, zuzenbidearen arauari jarraituz; zaindu behar du parrokiako ondasunak 1281-1288 KZen arauaren arabera administratzen direla.

AURREKARIAK

I.- Beasaingo Andre Mariaren Zeruratze Parrokia Elizaren jabea da (erregistroko datuak, finka: 7657, Tomoa: 1194, Liburua: 121, Orrialdea: 4, CRU: 20020000081759, inskripzioa, 1.Titulua: 206. Artikulua, Autoritatea: José María Setién Alberro Donostiako Gotzia). Deskripzioa, ondorengoa da: URBANA: Solar rectangular de mil treinta y dos metros cuadrados, en Beasain, que linda al Norte, Sur, Este y Oeste con terrenos de la Parroquia de Nuestra Señora de la Asunción. En él está ubicado el templo parroquial de Nuestra Señora de la Asunción de Beasain, que ocupa totalmente con su sacristía y pórticos la superficie de mil treinta y dos metros cuadrados.

II.- Urtarrilaren 10eko 2/2012 Dekretuaren bidez, Euskal Autonomia Erkidegotik igarotzen den Donejakue Bidearen zatia kultura-ondasun deklaratu zen, monumentumultzo kategoriarekin. Monumentu-multzo gisa mugatutako eremuan, Beasaingo Andre Mariaren Jasokundeko eliza babes ertaineko elementuen zerrendan dago (109/118).

III.- Jabea den heinean eta ekainaren 30eko Lurzoruari eta Hirigintzari buruzko 2/2006 Legearen 199. artikulua dioen bezala, eraikinen jabeek nahitaez dute ondasun horiek segurtasun, osasun, begirune eta apaintasun publikoko egoera onean mantentzeko eginbeharra.

IV.- Hori dela eta 2022. urtean, elizako erretaula nagusia konpondu eta zaharberritzeko desmuntatu zutenean, horma-pintura errenazentistak aurkitu zituzten eta horiek berreskuratzeko, 2023 urtean, Artez Restauración, S.Coop. Pequeña enpresak zaharberritzeko eta kontserbatzeko lehen fasea exekutatu zuen; Beasaingo Udalak 50.000 €ko dirulaguntza eman zuen.

2024 urtean, lehen faseari jarraipena emanez, bigarren faseari ekin zitzaion. Horretarako elizbarrutiak 2024-06-06an udal erregistroan bigarren faseko proiektua aurkeztu zuen obra baimena eskatuz. Horrekin batera, Foru Aldundiko Kulturako Zuzendaritzak 2024-04-25eko Ebazpena Beasaingo Andre Mariaren Jasokundearen elizako horma margoak zaharberritzeko baimena ere aurkeztu zuen. Udal obra-baimena 2024-05-29ean eman zen eta lanak 2024ko maiatza eta abenduaren artean exekutatu ziren. Beasaingo Udalak 50.000 €ko dirulaguntza eman zuen.

2025ean egin beharreko lanak erretaularen zaharberritze obrak amaitzea eta eskailerak lekuz aldatu plataforma handitzeko izango dira. Hartara, elizbarrutiak 2025-02-05ean udal erregistroan hirugarren faseko proiektua aurkeztu zuen obra baimena eta hobaria eskatuz. 2025-05-05ean Foru Aldundian emandako obra baimena aurkeztu zuen. Udal obra-baimena eman eta lanak 2025eko ekainetik aurrera egingo direla adierazi du.

V.- Bildutakoek interesa partekatzen dute ondare historiko eta kulturalaren kontserbazioa bermatzeko, kontuan izanda Konstituzioak eta Toki Erakundeei aplikagarria den legeri eta arauak agindutakoa, hots:

- 1978ko Espainiako Konstituzioaren 46. artikulua: «botere publikoek Espainiako herrien eta hura osatzen duten ondasunen ondare historiko, kultural eta artistikoa kontserbatzea eta aberastea bermatuko dute ...».
- Toki Araubidearen Oinarriak arautzen dituen apirilaren 2ko 7/1985 Legearen 25.2 artikulua honako hau dio: «Udalerriak, Estatuko eta Autonomia Erkidegoetako legeriaren arabera, honako gai hauetan izango ditu eskumenak:... e) ondare historiko-artistikoa».
- 2/2016 Legea, apirilaren 7koa, Euskadiko Toki Erakundeena. 17.1 artikulua honela dio: Lege honetan eta aplikatu beharreko legerian xedatutakoaren esparruan, udalerriek eskumen propioak baliatu ahal izango dituzte honako eremu material hauetan: 21) Udalaren ondare historikoa babestea, kudeatzea eta kontserbatzea, eta babes-plan bereziak eta katalogoak egitea eta onartzea.
- 2023-2025 Egitasmo Estrategikoan ondorengo diru laguntza lerroa aurreikusten da: 2.3. kultur ondarea jasotze

VI.- Uka ezina da bi aldeek partekatzen duten borondate hori, helburu publiko bat sustatzearekin bat datorrela eta arrazoi horregatik eta kontuan izanda Dirulaguntzei buruzko azaroaren 17ko 38/2003 Lege Orokorraren 2. artikulua aurreikusten dituen xehetasunak betetzen direla, 2025.urteko udal aurrekontuan 0240.781.336.10.01 kontu sail izenduna kontsignatu da, 130.000 €ko dirulaguntza emateko, Andre Mariaren Zeruratze Parrokia onuradunaren alde elizako horma-pintura errenazentistak kontserbatzeko, erretaulako lanak amaitzeko eta eskailera lekuz aldatzeko plataforma handitzeko helburuarekin.

Horren ondorioz, bi alderdiek elkarri kontratatzeko eta betebeharrak hartzeko gaitasuna aitortu diote eta hitzarmen hau honako klausula hauen arabera idaztea adostu dute:

ESTIPULAZIOAK

Lehenik. Helburua: Hitzarmen honen xedea esku hartzen duten alderdien eskubideak eta betebeharrak arautzea da, elizako horma-pintura errenazentistak kontserbatzeko eta zaharberritzeko, eta horretarako egin behar diren leku aldaketak egiteko Beasaingo Andre Mariaren Zeruratze Parrokia erakunde erlijiosoari horretarako 130.000 €ko dirulaguntza emanaz.

Bigarren. Beasaingo Andre Mariaren Zeruratze Parrokia erakunde erlijiosoaren betebeharrak:

1.- Diruz lagundutako jarduerak burutzea, hain zuzen ere, Elizako horma-pintura errenazentisten zaharberritzea eta kontserbatzea, erretaularen birgaitzea eta eskailera lekuz aldatzea plataforma handiagotuz. Lan horiek emandako udal lizentziaren arabera burutuko dira, Artez Restauración, S.Coop. Pequeña idatzitako Proiektuaren arabera. Aldi berean lanak egiterakoan legeak eskatzen dituen segurtasun neurriak harturko dira.

2.- 38/2003 Legeak, azaroaren 17koak, diru laguntzen lege orokorrak, 13. artikuluan xedatutako onuradun izateko debekuetan adierazitako egoeretan ez egotea, une honetan eta hitzarmen hau indarrean dagoen bitartean, eta Udalarekiko zerga betebeharrak egunean izatea.

3.- Zerga betebeharrak eta Gizarte Segurantzarekiko betebeharrak egunean izatea.

4.- Udal organo eskudunak edo udal kontuhartzaitzak burututako egiaztapen eta kontrol jarduketak onartzea, organo hauek, emandako zenbatekoen erabileraren fiskalizazio eta kontrolerako eginkizunak baliatuta, eska diezaioketen informazio guztia emateko betebeharra izanda, 38/2003 Legean xedatutakoaren arabera.

5.- Udalari jakinaraztea diruz lagundutako jarduerak finantzatzeko jasotako bestelako diru laguntzak, laguntzak, diru sarrerak edo baliabideak. Jakinarazpen hori laguntzak ezagutu bezain laster burutu beharko da eta, edonola ere, jasotako funtsei emandako erabileraren justifikazioaren aurretik.

6.- Jasotako funtsen erabilera justifikatzen duten dokumentuak gordetzea, dokumentu elektronikoak barne, kontrol eta egiaztapen jarduketan helburu izan daitezkeen heinean.

7.- Diruz lagundutako jardueren finantzaketaren izaera publikoa behar bezala adierazi eta hedatzea, onuradunak alde aurretik eskatuta Beasaingo Udalak helarazitako anagrama eta logotipoak karteletan,

oroipen plaketan, inprimatutako materialetan, bitarteko elektroniko eta ikus-entzunezkoetan eta komunikabideetako aipamenetan erabilia.

8.- Azaroaren 24ko 10/1982 Oinarrizko Legearen (23., 25., 26. 27. artikulua), apirilaren 7ko 2/2016 Legearen eta azaroaren 19ko 179/2019 Dekretuaren (2. atala), arabera, Jarduera guztietan bermatuko da euskararen erabilera, hau da:

Jarduerak euskaraz edo ele bitan egingo dira. Mezu idatziak (kartelak, esku-orriak, gonbidapenak, deialdiak, publizitatea...) eta ahozko komunikazioak (aurkezleak, hizlariak, musika...) gutxienez euskaraz egingo dira, eta, ele bitan eginez gero, euskarari lehentasuna emanda.

Dirulaguntzaren onuradunak hizkuntzaren tratamendua aurreikusi egingo du hirugarrenekin zerbitzuak kontratatzerakoan edo honakoak egiterakoan: bilerak, hitzaldiak, jendaurreko ekitaldiak, idatzizko komunikazioa (informazio-orriak, kartelak, gutunak, oharra...), megafonia, web-orria, WhatsApp-taldea...

9.- Diru laguntzen Lege orokorraren 37. artikuluan aurreikusitako kasuetan, jasotako funts publikoak itzultzea.

10.- Eginkizunen garapenean eragin litezkeen kalte eta guztiak estaltzeko moduko erantzukizun zibileko poliza bat izenpetzea.

11.- Horma-pintura horiek zaharberritu eta kontserbatze lanak amaitutakoan erregistro publiko batean inskribatzekoak balira, eskrituran aipatutako beharko da lan horiek egiteko udalak emandako dirulaguntza.

Hirugarren. Beasaingo Udalen betebeharrak:

Elizako horma-pintura errenazentistak kontserbatzeko eta zaharberritzeko hirugarren faseko lanen kostua 275.190,75 €koa da (%21 BEZ barne) eta Beasaingo Udalak dirulaguntza nominatibo gisa, 130.000 €ko ordainduko dio Beasaingo Andre Mariaren Zeruratze Parrokia erakunde erlijiosoari, jarraian adierazitako moduan:

- 1. ordainketa 65.000 eurokoa, hitzarmena sinatu ondoren, ordainketa aurreratu gisa, betiere egiaztatu bada onuradunak zerga betebeharrak eta Gizarte Segurantzarekikoak egunean dituela.

Diru-laguntzei buruzko 38/2003 Lege Orokorraren Erregelamendua onartzen duen uztailaren 21eko 887/2006 Errege Dekretuaren 22 artikuluan eskatzen den egiaztapena, dagokion Ogasunarekiko zerga-betebeharrak eta Gizarte Segurantzarekikoak egunean izatearen inguruan, edozein ordainketa egin aurretik, azken agiriekin indarra galtzen badu Udalak egiaztatuko du datuen bitartekaritzarako plataformetan edo horretarako gaitutako beste sistema elektroniko batzuetan kontsulta eginez.

Hala ere, onuradunak berariaz egin ahal izango dio aurka egiaztapen horri; kasu horretan, izaera hori egiaztatzen duten ziurtagiri eguneratuak aurkeztu beharko ditu bere kabuz.

- 2. ordainketa 65.000 eurokoa, egiaztatu bada onuradunak zerga betebeharrak eta Gizarte Segurantzarekikoak egunean dituela, diruz lagundu diren lanak amaitu direla eta egindako lanen gastuak justifikatu ondoren modu honetan:

- Memoria bat non egin diren lanak zehaztuko diren eta zaharberritze egoeraren berri emango den.
- Hitzarmena sinatzeko garaian aurreikusi diren jarduerak egin direla egiaztatuko duen dokumentu edo ziurtagiria, hitzarmenaren sinatzaileak sinatuta.
- Jardueren gastuaren justifikazioa: Egindako lanen gastuen zerrenda sailkatu bat, hartzekodunaren eta dokumentuaren identifikazioa, zenbatekoa, jaulkipen-data eta ordainketa-data. Horrekin batera gastua justifikatzen duten fakturak.
- Diruz lagundutako jarduera finantzatu duten diru-sarrera edo diru-laguntza guztien erantzukizuneko adierazpena, erakunde erlijiosoaren diruzainak sinatutakoa, horien zenbatekoa eta jatorria adierazita. Baita jarduera horrekin lotutako beste sarrerarik ez dela

egon, eta bestelako sarrerarik jasoko balute, horren berri izan bezain pronto Udalari jakinaraziko lioketela.

Laugarren. Diruz lagundu daitezkeen gastuak:

Diruz lagundu daitezke erabat beharrezkoak diren gastuak, jardueraren izaerarekin inolako zalantzarik gabe lotura dutenak eta diruz lagundutako jarduerak egikaritzeko aurreikusitako epearen amaiera baino lehen sortzen direnak.

Egikaritutako gastu gisa ulertuko da hitzarmen honetan ezarritako justifikazio epea amaitu aurretik modu eraginkorrean ordaindu dena.

Ez dira inolaz ere diruz laguntzeko moduko gastuak izango:

- a) Banku kontuetako interes zordunak.
- b) Interesak, errekaruak eta zigor administratibo edo penalak.
- c) Prozedura judizialetako gastuak.
- d) Zuzeneko zergak, berreskuratu edo konpentsatu badaitezke.
- e) Errentaren gaineko zergak.

Bosgarren. Gastuak justifikatzeko epea:

2026ko urtarrilaren 15erako izandako gastuen justifikazioa aurkeztu beharko da, hirugarren estipulazioan aipatutako moduan.

Seigarren. Beste laguntza batzuekin bateragarritasuna:

Diru laguntza hau bateragarria izango da helburu bera duten diru laguntza, laguntza, diru sarrera edo baliabide guztiekin, edozein administrazio edo erakunde publiko edo pribatuk emandakoak, edo Europar Batasunak edo nazioarteko erakundetakoak badira ere.

Zentzu horretan eta diru laguntzen Lege orokorraren 19.3 artikuluan xedatutakoa betez, jasotako diru laguntza guztien zenbatekoa ez da inolaz ere izango, bere horretan edo beste diru laguntza, laguntza, diru sarrera edo baliabide batzuekin batera, diruz lagundutako jardueraren kostua baino handiagoa.

Jarduerak finantzatzeko, diru laguntzaz gain, funts propioak edo beste diru laguntza edo baliabide batzuk erabili badira, justifikazioan diruz lagundutako jardueretarako erabilitako funts horien zenbatekoa, jatorria eta aplikazioa zehaztu beharko dira.

Zazpigarren. Hitzarmenaren iraupena:

Hitzarmen honen indarraldia, 2025-12-31artekoa izango da eta ezin izango da luzatu.

Zortzigarren. Jarraipen, zaintza eta kontrol mekanismoak:

Hitzarmenaren betearazpenaren eta sinatzaileek hartutako konpromisoen jarraipena, zaintza eta kontrola egiteko, eta hitzarmena interpretatzean sor daitezkeen zalantzak argitzeko, batzorde bat sortuko da, kide hauek osatua:

- Udal-erakundearen aldetik, Lurralde Batzordeko zinegotzi arduraduna, Lurraldeko koordinatzailea eta Kultura arloko teknikari arduraduna

- Beasaingo Andre Mariaren Zeruratz Parrokia erakunde erlijiosoaren aldetik, Iñaki Erauskin Urretabizkaia.

Bederatzigarren. Alderdien arteko jakinarazpenak eta komunikazioak:

Hitzarmen honen esparruan egiten diren jakinarazpenak eta komunikazioak honako pertsona hauei bidali beharko zaizkie:

- Udalaren aldetik: Lurraldeko koordinatzailea den, Jon Esquisabel del Bosque jaunari eta Euskara eta Kultura koordinatzailea den Amaia Gómez de Segura andreari.

- Erakunde erlijiosoaren aldetik: Iñaki Erauskin Urretabizkaia jaunari.

Hamargarren. Onartutako betebeharrak eta konpromisoak ez betetzearen ondorioak:

Sinatzaileetako batek onartutako betebeharrak eta konpromisoak beteko ez balitu, ez betetzea burutu duen alderdiari jakinarazpena helarazi beharko zaio, epe jakin baten barruan bete ez direla uste den betebeharrak eta konpromisoak bete ditzan. Ezarritako epea amaituta, ez betetzeak jarraituko balu, hitzarmena suntsiarazi egingo da.

Diru laguntzaren onuradunak onartutako betebeharrak eta konpromisoak beteko ez balitu, emandako zenbatekoaren zati proportzionala itzuli beharko du, gehi diru laguntza ordaindu zen momentutik dagozkion berandutze interesak.

Jasotako zenbatekoen erabateko itzulera edo itzulera partziala burutu beharko da hitzarmen honetan aurreikusitako baldintzak edo udal kontu-hartzailetza edo organo eskudunak ezarritako justifikazio betekizunak betetzen ez badira, bai eta diru laguntzen Lege orokorraren 37. artikuluan eta hurrengoetan aurreikusitako kasuetan ere.

Hamaikagarren. Hitzarmena bertan behera geratzea:

- 1- Epea amaitutakoan.
- 2- Bi aldeek espresuki horrela adosten dutenean.
- 3- Alderdiek beren gain hartutako betebeharrak betetzen ez dituztenean.
- 4.- Hitzarmena baliogabetzat jotzen duen erabaki judiziala.

Hitzarmena suntsiarazteak azkendu egingo ditu alderdiek onartutako betebeharrak eta konpromisoak, eta baita prestazioen likidazioa ere. Helburu horietarako, aplikagarria izango da Sektore Publikoaren Araubide Juridikoaren Legearen 52. artikuluan xedatutakoa, suntsiaraztearen ondorioei eta likidazio eta kalte ordainen araubideari dagokienez.

Hitzarmenaren helburuak bete direla ulertuko da haren xedea burutu bada bi alderdientzat onargarriak diren baldintzetan.

Egikaritze prozesuan dagoen jarduketarik egongo balitz, alderdiek, jarraipen, zaintza eta kontrol batzordearen proposamenari jarraituta, abian dauden jarduketan jarraipena eta amaiera adostu ahalko dute, horiek amaitzeko epe luzaezina ezarrita.

Hamabigarren. Hitzarmenaren izaera eta jurisdikzio aplikagarria:

Urriaren 1eko 40/2015 Legearen 47. artikuluen arabera, hitzarmen honen izaera juridikoa administratiboa da, eta, ondorioz, administrazioarekiko auzien jurisdikzioa da eskumena duena.

Hitzarmen honen aplikaziotik erator litezkeen interpretazio, aldaketa, suntsiarazte eta ondorioen inguruan ager litezkeen gatazkak alderdien arteko akordio bidez ebartziko dira eta, halakorik ezean, alderdi hauek administrazioarekiko auzien jurisdikzioaren eskumenekoak izango dira.

Eta aurreko guztiarekin adostasun frogatzat, bildutakoek hitzarmen hau sinatu dute goiburuan adierazitako tokian eta egunean.”

Hitz egiteko txanda eman ondoren, bildutakoek proposamenarekiko adostasuna azaldu dute.

Eva Alvarez Atanes andreak (Socialistas Vascos-Euskal Sozialistak), esan du hitzarmena bakarrik euskaraz dagoela eta galdetu du ea gaztelaniaz ez den egon behar.

Erantzun zaio, aktan itzultzerakoan hitzarmena ere itzuliko dela.

Bozketa eginda, aho batez onartu da proposamena

4.- LURRALDE BATZORDEKO PROPOSAMENAK:

a.- KONTRATAZIOA. PLEGUAK ONARTZEA ETA LIZITAZIOEN DEIALDI PUBLIKOAK:

- IGARTZA JAUREGIKO, IGARTZAKO BURDINOLA ETA IGARTZAKO ERROTAKO BARNE-ARGIZTAPENA ETA IGARTZAKO MONUMENTU MULTZOAREN KANPO ARGIZTAPENA INSTALATZEKO HORNIDURA-KONTRATUA, ERALDAKETA ETA ERRESILIENTZIA BERRESKURATZE PLANAREN ESPARRUAN - EUOPAR BATASUNA – NEXTGENERATIONEU FINANTZATUA. 2025PROB0008

2025-05-22ko Lurralde Batzordeko proposamenaren berri eman da: Aipatutako hornidura kontratatzeke proiektua eta baldintza administratiboa onartzea eta lizitazioa, deialdia publikoaren bidez egitea Europar Batasunaren Aldizkari Ofizialean eta Euskadiko kontrataziorako plataforman iragarkia argitaratuz:

- 1.- *Prozedura: irekia publizitatearekin. Lizitazio elektronikoa.*
- 2.- *Izapidetzea: arrunta eta harmonizatua*
- 3.- *Lizitazio prezioa: 469.461 €, + BEZ (hornidura: 293.341,47 € eta instalakuntza: 101.163,57 €).*
- 4.- *Egikaritze epea: 4 hilabete kontratua sinatu eta hurrengo egunetik kontatzen hasita (hasierako data: 2025-09-01).*
- 5.- *Kaudimen ekonomiko, finantzarioa: Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 704.191,50 € gutxienez.*
- 6.- *Kaudimen teknikoa: Azken hiru urteetan kontratuaren helburu diren antzeko hornidurak burutu izana, gutxienez kopuru hau dutena: 328.622,70 €. Tituluak: Kontratuaren arduraduna (Ingeniaritza, ingeniaritza teknikoa edo ingeniaritzan gradua edo antzeko titulua izatea) instalatzailea (erdi-mailako prestakuntza-zikloa edo LH1, goi-mailako prestakuntza-zikloa edo LH2, adar elektrikoan edo elektronikoan, edo ingeniaritzako graduak.*
- 8.- *Aurkezteko epea eta lekua: 30 egun natural, lizitazio iragarkia Europar Batasuneko Argitalpen Bulegora bidaltzen den egunetik zenbatzen hasita. Lizitazio elektronikoa.*
- 9.- *Adjudikazio irizpideak:*

Formula automatikoen bidez baloratzen ez diren irizpideak (50 puntu)

Formula automatikoen bidez puntuatzeko irizpideak. (50 puntu)

- *Eskaintza ekonomikoa. 40 puntu.*

- *Ekipamendu eta instalazioen berme-epea handitzea: 10 puntu.*

Prezioarekiko eskaintza anormalki baxutzat joko da onartutako eskaintzen batez bestekoa baino 15 puntu txikiagoa den baja duena. Eskaintza ekonomikoaren bideraezintasuna zehazteko parametro objektibotzat hartuko dira soldata-betebeharrei, gizarte-segurantzako kotizazioei, absentismoari, prestakuntzari, mediku-azterketei eta abarri erantzuteko beharrezkoak diren kostuak estaltzera iristen ez direnak.

10.- *Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.*

11.- *Aurkeztu beharreko agiriak: Lizitatzaileek administrazio-baldintzen Pleguan adierazitako agiriak aurkeztu beharko dituzte.*

12.- *Kontratua gauzatzeko baldintza bereziak: Sozialak eta ingurugirokoak (ikus klausula berezien 11. eta 12. atalak).*

Idazkariak azaldu du orain dela pare bat hilabete lizitazioa egin zela deialdi publikoaren bidez Igartzako jauregia barrutik eta monumentu multzoa kanpotik argiztatzeko baina hutsik geratu

zela. Oraingoan Igartzako jauregiak gain errota eta burdinola ere argiztatzea aurreikusi da. Horretarako, adierazi du Lurraldeko lehendakariak, proiektua lehen onartutakoarekiko gehiago zehaztu da.

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa eginda, aho batez onartu da proposamena

- HAINBAT URBANIZAZIO ERALDAKETA BURUTZEKO OBRAK KONTRATATZEA. 2025PROB0007

2025-05-22ko Lurralde Batzordeko proposamenaren berri eman da: Aipatutako obrak kontratatzeke proiektua eta baldintza administratiboa onartzea eta lizitazioa, deialdia publikoaren bidez egitea Euskadiko kontrataziorako plataforman argitaratuz.

- 1.- *Prozedura: irekia publizitatearekin. Lizitazio elektronikoa.*
- 2.- *Izapidetzea: arrunta eta irekia*
- 3.- *Lizitazio prezioa: 387.460,99 € + 81.366,8 € (BEZ)= 468.827,80 €*
- 4.- *Egikaritze epea: 16 ASTE zuinketa akta sinatzen denetik kontatzen hasita. Akta hori kontratua gauzatzen den datatik 15 egun naturalean sinatu beharko da.*
- 5.- *Kaudimen ekonomiko, finantzarioa: Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 581.191,48 € gutxienez.*
- 6.- *Kaudimen tekniko: Obra burua (Arkitektoa, arkitekto tekniko, eraikuntzako ingeniari tekniko edo goi mailako ingeniaria, %40etik gorako dedikazioarekin), obraren arduraduna (Titulazio jakinik gabea. %100eko dedikazioa).*
- 7.- *Klasifikazioa: G taldea, 6. azpitaldea, 3. Kategoria (ez da beharrezkoa baina aurkeztu ezkerro kaudimen ekonomikoa eta teknikoak justifikatuta geratuko da).*
- 8.- *Aurkezteko epea eta lekua: 20 egunekoa kontrataziorako plataforman iragarkia argitaratu eta hurrengo egunetik kontatzen hasita. Lizitazio elektronikoa.*
- 9.- *Adjudikazio irizpideak:*

Formula automatikoen bidez baloratzen ez diren irizpideak (25 puntu)

Memoria teknikoak: 3 azpirizpide (25 puntu)

Formula automatikoen bidez puntuatzeko irizpideak. (75 puntu)

Eskaintza ekonomikoa. 65 puntu.

Pleguan ezarritako berme epea handiagoa proposatzea: 10 puntu.

10.- *Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.*

11.- *Aurkeztu beharreko agiriak: Lizitatzailleek administrazio-baldintzen Pleguan adierazitako agiriak aurkeztu beharko dituzte.*

12.- *Kontratua gauzatzeko baldintza bereziak:*

Kontratua egikaritzeko langile berriak kontratatzea beharrezkoa balitz eta enpresa kontratistak edo azpikontratistak emakumeen ordezkariak ez orekatua balu langileen artean, kontratua egikaritzeko eta egikaritze epe osoan zehar, gutxienez ere, emakume bat kontratatu beharko du langile berri moduan edo, gutxienez ere, aldi baterako kontratatutako emakume bati kontratu mugagabea egin beharko dio. Langile multzoa ez orekatua dela ulertuko da emakumeak guztizko langileen %40a iristen ez direnean.

Hitz egiteko txanda eman ondoren, bildutakoek ondorengo iritzia azaldu dituzte:

Eva Alvarez Atanes andreak (Socialistas Vascos-Euskal Sozialistak). Gu abstenitu egingo gara. Ez gaude ados zirkulazio aldaketekin. La Salle parean igoera eta jaitsiera izatea ez zaigu

ondo iruditzen, ikasleen irteera dagoelako eta ez da behar bezala ikusten. Beste lan batzuk, aldiz, beharrezkoak dira.

Adur Ugartemendia Leunda jaunak (EAJ-PNV), adierazi du aldaketa horiek mugikortasun planean aurreikusiak daudela.

Gai behar adina eztabaidatu ondoren, bozketa egin da eta ondorengo emaitza lortu da:

Aldeko botoak: 5 (EAJ-PNV, Beasaingo EH Bildu, ELKARREKIN PODEMOS EZKER ANITZA / IU-ALIANZA VERDE)

Aurkako botoak: 0

Abstentzioak 1 (Socialistas Vascos-Euskal Sozialistak)

Horren ondorioz, gehiengo osoarekin onartu da proposamena.

b.- KONTRATUEN LUZAPENAK:

2025-05-22ko Lurralde Batzordeko proposamenaren berri eman da: Aipatzen diren zerbitzu-kontratuak sinatzeari buruzkoak:

- INGURUMEN-ARLOKO AHOLKULARITZA ZERBITZUA. 2022ZEBO0031

“AURREKARIAK

I.- 2022-03-03. Tokiko Gobernu Batzordeak onartu zuen deialdi publikoaren bidez ondorengo zerbitzua kontratatzea: Ingurumen arloko aholkularitza zerbitzua. Horretarako pleguak onartu ziren. Prozedura irekia eta izapidetzea harmonizatu gabea.

II.- 2022-05-20an, Alkateak zerbitzu hori LAIA KOOPERATIBA ELKARTE TXIKIA enpresaren alde behin betiko esleitzeko ebazpena eman zuen, esleipendunak horretarako eskatutako dokumentazioa aurkeztu zuelako (3.421,35 €ko banku-abala, jarduera ekonomikoetan alta emanda egotearen agiria, zerga-betebeharrak eta Gizarte Segurantzarekikoak ordainduta izatearen egiaztagiria, erantzukizun zibileko aseguruia eta zuzendari koordinatzaile pertsonaren identifikazioa).

III.- 2022-06-01. LAIA KOOPERATIBA ELKARTE TXIKIA -ekin kontratua sinatzen da. Egikaritze epea 3 urtekoa da, kontratua sinatu eta hurrengo egunetik zenbatuta, eta bi luzapen egiteko aukera dago, bakoitza urtebetekoa. Luzapena espresuki adierazi beharko da eta eskumena duen organoak erabakia hartu beharko du.

IV.- 2025-05-09. Lurralde saileko teknikari arduradunak kontratua luzatzearen aldeko proposamen txostena egin du. Egun horretan bertan Idazkariak ere Kontratu Legeak luzapenak egiteko eskatzen duen txostena eman du.

V.- 2025-05-15. Kontuhartzailearen fiskalizazio txostena ematen da.

OINARRI JURIDIKOAK

- Legeri aplikagarria: azaroaren 8ko 9/2017 Legea Sektore Publikoaren Kontratuak arautzen duena, 29. artikulua.

- Kontratua luzatu ahal izateko, luzapena aurreikusita egon behar da baldintza pleguan eta kontratuan. Kasu honetan horrela da, izan ere kontratuaren luzapena kontratazio-espeditzearen ondorengo dokumentuetan jasotzen da:

- Baldintza administratiboaren 3. artikuluan.
- Karatularen 17. atalean
- Bi aldeen artean sinatutako kontratu administratiboaren 3. estipulazioan.

PROPOSAMENA

Lurralde batzordeak Tokiko Gobernu Batzordeari ondorengo erabaki proposamena egiten dio, azter dezan:

Lehenik: Urtebetez (1) eta egungo baldintzetan, prezioa barne, LAIA KOOPERATIBA ELKARTE TXIKIA-i kontratua luzatzea, Beasaingo Udalari ingurugiro arloan laguntza teknikoa emateko zerbitzua luzatzea.

Bigarren: Luzapena 2025eko ekainaren 1etik 2026ko maiatzaren 31ra izango da; epe hau amaitu ondoren beste urte 1eko luzapen berria egiteko aukera dago.

Hirugarren: LAIA KOOPERATIBA ELKARTE TXIKIA-i erabaki honen berri ematea.”

Hitz egiteko txanda eman ondoren, bildutakoek iritzia hauek azaldu dituzte:

Hasier Agirre Elkoroberezibar jaunak (Beasaingo EH Bildu): “Alde bozkatuko dugu, baina gure ustetan ingurugiro-teknikari lanpostua estrukturala izan beharko luke eta horren ondorioz, plantilan txertatu beharko litzateke. Luzapenaren iraunaldia aprobetxatu beharko litzateke gaia lantzeko.”

Alkate andreak (EAJ-PNV): “Egindako lanaketaren ondoren, lehentasuna peste lanpostu batzuei eman zitzairen baina ikusita ingurugiroak hartzen ari den dimentsioa teknikari baten beharra dagoela ikusten dugu.”

Bozketa eginda, aho batez onartu da proposamena

- BEASAINGO DOLAREA PARKEKO UR JOKUEN MANTENU INTEGRALAREN ZERBITZUA. 2023HIBO0084

AURREKARIAK

I.- 2023-04-05. Alkateak onartu zuen deialdi publikoaren bidez aipatutako kontratazioa lizitatzea. Horretarako plegu administratiboak eta teknikoak onartu ziren. Prozedura irekia, tramitazio arrunta eta ez harmonizatua.

II.- 2023-04-11. Euskadiko plataforman deialdia argitaratu zen.

III.- 2023-05-01. Proposamenak aurkezteko epearen amaiera. Epe horretan enpresa bakarrak eskaintza aurkeztu zuen: OB MANTENIMIENTO DE PISCINAS SL.

IV.- A artxibo elektronikoa kalifikatu ondoren aipatutako enpresari lizitazioan parte hartzea onartu zitzaion, kaudimen baldintzak betetzen zituelako.

V.- Esleipen-irizpideak baloratu ondoren, Alkateak 2023-05-16an Kontratazio Mahaiaren proposamena kontuan hartuta, kontratua OB MANTENIMIENTO DE PISCINAS SL.ri esleitzea erabaki zuen.

VI.- 2023-05-29an, Alkateak zerbitzu hori aipatutako enpresaren alde behin betiko esleitzeko ebazpena eman zuen, esleipendunak horretarako eskatutako dokumentazioa aurkeztu zuelako (1.264,95 €ko fidantza, jarduera ekonomikoetan alta emanda egotearen agiria, zerga-betebeharrak eta Gizarte Segurantzarekikoak ordainduta izatearen egiaztagiria, 600.000 €ko erantzukizun zibileko aseguruia eta Unax Aizpurua Echave, zerbitzuari atxikitako langileak, hizkuntza gaitasunarekiko Europako Erreferentzia Markoaren B2 gaitasun maila, ahozko trebetasunean agiria izatea).

VII.- 2023-06-02an kontratua sinatu bazen ere ekainaren 6an sartu zen indarrean. Egikaritze epea: Bi urte, kontratua sinatu eta hurrengo egunetik zenbatuta eta urtebeteko bi luzapen egiteko aukera.

VIII.- kontratua amaitzeaz dagoenez kontratuaren arduraduna denak 2025-05-09ko datarekin zerbitzuarekiko txostena eman du, orain arte gauzatutakoa modu positiboan baloratuz eta proposatuz kontratuaren 1. luzapena onartzea eta formalizatzea.

Aldi berean Idazkari eta Kontuhartzailearen aldeko txostenak ere espedientean daude.

ONARRI JURIDIKOAK

- Legeri aplikagarria: azaroaren 8ko 9/2017 Legea Sektore Publikoaren Kontratuak arautzen duena, 29. artikulua.

- Kontratua luzatu ahal izateko, luzapena aurreikusita egon behar da baldintza pleguan eta kontratuan. Kasu honetan horrela da, izan ere kontratuaren luzapena kontratazio-espedientearen ondorengo dokumentuetan jasotzen da:

- Baldintza administratiboaren 3. artikuluan.
- Karatularen 17. atalean
- Bi aldeen artean sinatutako kontratu administratiboaren 6. estipulazioan.

PROPOSAMENA

Lurralde batzordeak Osoko Bilkurari ondorengo erabaki proposamena egiten dio, azter dezan:

Lehenik: Urtebetez (1) eta egungo baldintzetan, prezioa barne, OB MANTENIMIENTO DE PISCINAS SLri kontratua luzatzea, Beasaingo Dolarea parkeko ur jokuen mantenu integrala emateko..

Bigarren: Luzapena 2025eko ekainaren 6tik 2026ko ekainaren 5era izango da. Epe hau amaitu ondoren beste urte batez luzatzeko aukera egongo da..

Hirugarren: OB MANTENIMIENTO DE PISCINAS SLri erabaki honen berri ematea.”

Alderdi sozialista ordezkariaren galderari erantzunez adierazi da, luzapena urtealdi batekoa dela baina zerbitzua berez, ekainaren lehenengo astetik urrira bitarte ematen dela.

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa eginda, aho batez onartu da proposamena

c.- HORNIDURA ETA INSTALAZIOEN ESLEIPENA: BEASAINGO HERRI ARGITERIAKO EGUNGO KALE ARGIAK DESMUNTATU, ETA LED KALE ARGIAK HORNITU ETA MUNTATZEA. 2 FASEA, EZKIAGA-ERAUSKIN. TECUNI, S.A.K KONTRATAZIO MAHAIAREN ESLEIPEN-PROPOSAMENARI AURKEZTUTAKO HELEGITEA EBAZTEA. 2024PROB0004

2025-05-22ko Lurralde Batzordeko proposamenaren berri eman da, hain zuzen ere TECUNI, S.A.k aurkeztutako errekurtsua ebazteari buruzkoa:

“Gaia: TECUNI, S.A.k 2025-04-02an kontratazio-mahaiak emandako esleipen-proposamenaren aurka aurkeztutako birjarpen helegitea ondorengo kontratazioarekiko: Beasaingo herri argiteriako egungo kaleargiak desmuntatu, eta led kaleargiak hornitu eta muntatzeko kontratazioa. 2 fasea, Ezkiaga-Erauskin.

AURREKARIAK

1.- 2025-04-10. Dagokion lizitazioa izapidetu ondoren, Tokiko Gobernu Batzarrak, 2025-04-02an Kontratazio Mahaiak proposatuta, kontratua LOYOLA NORTE, S.A.ri esleitzea erabaki zuen, eta 10 eguneko epea eman zitzaion fidantza eta gainerako dokumentazioa aurkezteko, ondoren behin betiko esleipena egiteko eta kontratua sinatzeko.

2.- 2025-04-11. Kontratazio-plataformaren bidez, adierazitako dokumentazioa aurkezteko errekeritu zitzaion esleipendun izateko proposatutakoari. Eskatutakoa 2025-05-6an aurkeztu zuen.

Administrazio Publikoen Administrazio Prozedura Erkidearen urriaren 1eko 39/2015 Legearen (APEL) 43.2 artikuluan adierazitakoarekin bat etorritik, epe barruan aurkezten du (hamar egun baliodun, 2025-04-22an jakinarazpena irakurri zuenetik).

Data horretan, kontratazio-plataforman hauek argitaratuta zeuden:

- Kontratazio Mahaiaren aktak ondorengo artxibo elektronikoena: A (nortasuna eta kaudimena), B (memoria teknikoa) eta C (esleipen-proposamena).
- Balio-judizioen mende jarritako irizpideen txosten teknikoa eta automatikoki balora daitezkeen irizpideen balorazioari buruzko txostena.
- C artxibo elektronikoaren irekiera-audioa.

3.- 2025-04-15. TECUNI, S.A. enpresak, litazioan parte hartzea onartu zitzaion beste enpresak, berraztertze-errekurtsoa aurkeztu zuen, udal-erregistro elektronikoaren bidez, balio-judizioen mendeko irizpideen balorazio teknikoaren aurka.

4.- 2025-05-07. Kide teknikoak txostena eman zuen aurkeztutako errekurtsoari buruz, eta errekurtsoa ezestea proposatu du, bertan adierazten diren arrazoiengatik.

5.- 2025-05-19. Udal-idazkariak txostena eman du, eta adierazi du aurkeztutako errekurtsoa izapidetzeko onartu behar dela, ez baita bidezkoa kontratazio-arloko errekurtso berezirik jartzea, aurkaratzen dena Kontratazio Mahaiaren esleipen-proposamena baita.

Enpresa lizitatzailerak berraztertze-errekurtsoa deitu dion arren, gora jotzeko errekurtsoa da, eta Tokiko Gobernu Batzarrari dagokio errekurtso hori ebatzea (baiestea edo ezestea), organo horrek izendatu baitzituen kontratazio-mahaiko kideak.

OINARRI JURIDIKOAK

Legeria aplikagarria:

- 9/2027 Legea, azaroaren 8koa, Sektore Publikoko Kontratuei buruzkoa (SPKL).
- 39/2015 Legea, urriaren 1ekoa, Administrazio Publikoen Administrazio Prozedura Erkidearena (APEL).

Aurrekari eta oinarri juridikoen arabera, Lurralde Batzordeak Tokiko Gobernu Batzordeari ondorengo erabaki-proposamena egiten dio:

Lehenik. Aurkeztutako errekurtsoa deuseztatzea espedientean jasotzen den txosten teknikoaren arabera.

Bigarren. 2025-04-10ean Tokiko Gobernu Batzordeak hartutako erabakia baieztatzea eta horren ondorioz prozedurarekin jarraitzea (behin betiko esleipena eta kontratuaren sinadura).

Hirugarren. Errekurtso-egileari hartutako erabakia jakinaraztea, eta adieraztea APELren 122.3 artikuluan ezarritakoaren arabera, haren aurka ezin izango dela beste administrazio-errekurtsoarik jarri, berrikusteko errekurtso berezia izan ezik, 125.1 artikuluan ezarritako kasuetan.”

Hitz egiteko txanda eman ondoren, bildutakoek proposamenarekiko iritzia hauek azaldu dituzte:

Hasier Agirre jaunak (Beasaingo EH Bildu): “Gu abstenitu egingo gara, Lurralde batzordeak azaldutakoaren arabera TECUNIk aurkeztutako eskaintzak bi irakurketa izan dezakeelako.

Beste guztiek adostasuna azaldu dute proposamenarekiko.

bozketa egin da eta ondorengo emaitza lortu da:

Aldeko botoak: 5 (EAJ-PNV, Socialistas Vascos-Euskal Sozialistak, ELKARREKIN PODEMOS EZKER ANITZA / IU-ALIANZA VERDE)

Aurkako botoak: 0

Abstentzioak 1 (Beasaingo EH Bildu)

Horren ondorioz, gehiengo osoarekin onartu da proposamena.

d.- PROIEKTUAREN ONESPENA ETA DESJABETZEAK UKITUTAKO ONDASUN ETA ESKUBIDEEN ZERRENTA: "ANDRAMENDI KALEAN BAZTERBIDEA EGITEA ETA BIDEA ZABALTZEA ETA NEKAZARITZA ETA ABELTZAINZARAKO BILTEGIA ERAISTEA". 2025PROB0004

2025-05-22ko Lurralde Batzordeko proposamenaren berri eman da,

"Gaia: "Andramendi bidean bazterbidea egitea eta bidea zabaltzea eta nekazaritza eta abeltzaintzarako biltegia eraistea" izeneko Proiektua onartzea, onura publikoa eta okupatzeko beharra aitortzea eta desjabetzeak ukitutako ondasun eta eskubideen zerrenda.

AURREKARIAK

1.- Beasaingo Udalak Endara Ingenieros y Asociados, S.L.ri proiektua idazteko enkargatu zion, Loinaz auzoan ibilgailuen zirkulazioa faltsutzeko. Proiektu horrek Beatxurreta, Agirre Haundi eta Agerrezabal eraikinei ematen die zerbitzua, eta herrigunearekiko lotura Foru Kalearen bidez egiten da.

Proiektuak barne hartzen du, Andramendi eraikinari lotutako nekazaritza eta abeltzaintzarako biltegia eraistea, kurbako espazioa berrantolatze eta biraketa-erradioak handitzeko, baita metro batean dagoen bidea zati batean handitzea eta bazterbide bat egitea ere, zirkulatzen ari direnean bi ibilgailu gurutzatzea errazteko.

2025eko otsaileko data duen proiektua Igor Martín Molina ingeniariak idatzi du. Exekuzio materialaren aurrekontua: 327.642,08 €. Guztizko aurrekontua (EM+ GG+ BºI+ BEZ) = 471.771,82 €.

Desjabetzeak ukitutako ondasun eta eskubideen eskuratzeko kostuaren estimazioa: 100.000 €.

Proiektu horretatik ondorioztatzen da jabetza pribatuko zenbait ondasun eta eskubide okupatu behar direla, izan ere proiektuaren Eranskinean desjabetu beharreko ondasunen eta eskubideen zerrenda, eskuratzeko prezioa estimatua eta afektatutako lursailen planoa jasotzen da.

2.- Espedientean ondorengo txostenak jasotzen dira;

Udalari aholkularitza ematen dion Arkitektoarena:

- Bide publikoak egiteko desjabetze-sistemara jotzeko plangintzan aurreikusitako aukera.
- Idatzitako proiektuaren bideragarritasuna, aurreko paragrafoan adierazitakoa barne hartuta.
- Bisatua egon beharra ez izatea.

Kontu-hartzailearena, desjabetzeak ukitutako ondasunak eta eskubideak eskuratzeko kreditua izateari buruzkoa.

Idazkariarena aplikatu beharreko legeria, jarraitu beharreko prozedura eta onartzeko organo eskuduna eta quoruma zehazteari buruzkoa.

OINARRI JURIDIKOAK

Legeri aplikagarria:

- 7/1985 Legea, apirilaren 2koa, Toki Araubidearen Oinarriak arautzen dituen. Lege horren 4.1.d) artikulua jabetza kentzeko ahalmena aitortzen die udalerriei, udal-eskumeneko arlo edo gaien barruan, eta lege horren 25. artikuluan zehazten da.
- 781/1986 Legegintzako Errege Dekretua, apirilaren 18koa, toki-araubidearen arloan indarrean dauden lege-xedapenen testu Bategina onartzen duena. 90. artikulutik 94.era bitartekoak.
- Nahitaezko Desjabetzeari buruzko 1954ko abenduaren 16ko Legea (EFL). 9, 10 11, 17, 18 artikulua.

- Nahitaezko Desjabetzeari buruzko Legearen Erregelamendua, 1957ko apirilaren 26koa (EFA).
16,1 y 17 artikulua.

Horren ondorioz, Lurralde batzordeak Udalbatza Osoari ondorengo erabaki-proposamena egiten dio:

Lehenengoa.- "Andramendi bidean bazterbidea egitea eta bidea zabaltzea eta nekazaritza eta abeltzaintzarako biltegia eraistea" izeneko Proiektua onartzea.

Bigarrena.- Proiektua onartzeak onura publikokotzat jotzea dakar, espedientean interesdun izan daitezkeenak zehazteko, bai eta desjabetu beharreko ondasunak eta eskubideak okupatu beharra ere.

Hirugarrena.- Proiektu horretako obrak egiteko okupatu behar diren titularren, ondasunen eta eskubideen zerrenda zehatza eta banakatua egitea, honekin batera doan Eranskinaren arabera.

Eraginpeko ondasun eta eskubideen zerrenda, partzelen planoekin batera, udal-bulegoetan aztertu ahal izango da, erabakia GAO n argitaratu eta hurrengo egunetik aurrera.

Laugarrena.- Desjabetzearen onuraduna Beasaingo Udala izango dela aitortzea.

Bosgarren.- Jendaurrean jartzeko 20 eguneko epea irekitzeko agintzea, erabaki hau iragarki-taulan, gardentasun-atarian, Gipuzkoako Aldizkari Ofizialean eta Diario Vasco eta Berria egunkarietan argitaratuz (artikuluak 18. EFLrena, 17. EFArena, 83,2 Administrazio Publikoen Administrazio Prozedura Erkidearen urriaren 1eko 39/2025 Legearena eta 7e) gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legearena).

Desjabetzearen ondorioz kaltetuak izan daitezkeen interesdun guztiek egokitzen jotzen dituzten alegazioak aurkeztu ahal izango dituzte ondasuna okupatzea edo xedatzea egokia den eta ondasunaren egoera material edo legala zein den jakiteko, eta argitaratutako zerrendan egindako akatsak zuzentzeko behar diren datu guztiak eman ahal izango dituzte.

Ondasuna edo eskubidea okupatzeari edo xedatzeari aurka egiten zaionean, forma- edo funts-arrazoiengatik, horren arrazoiak adierazi beharko dira eta argitaratutako zerrendan agertzen ez diren beste ondasun eta eskubide batzuk desjabetzeko lehentasunezkoztat eta komenigarritzat jotzeko arrazoiak.

ERANSKINA

"Andramendi bidean bazterbidea egitea eta bidea zabaltzea eta nekazaritza eta abeltzaintzarako biltegia eraistea" Proiektuak erasandako ondasun eta eskubideen zerrenda.

BEASAINGO UDALA

TERMINO MUNICIPAL DE BEASAIN

Lurzati zk./Parcela: P1

Jabea/Titular: DORRONSORO MURGUIONDO JOSE RAMON

Helbidea/Dirección: Loinatz auzoa 1, Andramendi Baserria, 20200 Beasain

Desjabetzapena/Expropiación: 365,80 m²

P1.1 64.61 m²

P1.2 160,18 m²

P1.3 141.01 m²

Zortasuna/Servidumbre: 0,00 m²

Aldi baterako lur-hartzea/Ocupación temporal: 395,19 m² (P1.4)

Mugak/Linderos:

Iparraldean/Norte: Finkaren gainerakoa / Resto de finca
Hegoaldean/Sur: Finkaren gainerakoa / Resto de finca
Ekialdean/Este: Finkaren gainerakoa / Resto de finca
Mendebaldean/Oeste: MUGICA ECHEVERRIA MARIA ETA/Y GALLARDO
ARRIBAS VICENTE

Katastroko izaera/Naturaleza Catastral: Landalurra / Rústica

Eref./Ref.: 15-130

Lurzati zk./Parcela: P2

Jabea/Titular: DORRONSORO MURGUIONDO JOSE RAMON

Helbidea/Dirección: Loinatz auzoa 1, Andramendi Baserria, 20200 Beasain

Desjabetzapena/Expropiación: 79,16 m²

Zortasuna/Servidumbre: 0,00 m²

Aldi baterako lur-hartzea/Ocupación temporal: 0,00 m²

Mugak/Linderos:

Iparraldean/Norte: Finkaren gainerakoa / Resto de finca
Hegoaldean/Sur: Finkaren gainerakoa / Resto de finca
Ekialdean/Este: Finkaren gainerakoa / Resto de finca
Mendebaldean/Oeste: Finkaren gainerakoa / Resto de finca

Katastroko izaera/Naturaleza Catastral: Hirilurra/ Urbana

Eref./Ref.: 6466097

Lurzati zk./Parcela: P3

Jabea/Titular: MUGICA ECHEVERRIA MARIA ETA/Y GALLARDO ARIBAS VICENTE

Helbidea/Dirección: Foru Kalea 38, 1º, 20200 Beasain

Desjabetzapena/Expropiación: 6.74 m² (P3.1)

Zortasuna/Servidumbre: 0,00 m²

Aldi baterako lur-hartzea/Ocupación temporal: 61,93 m² (P.3.2)

Mugak/Linderos:

Iparraldean/Norte: Finkaren gainerakoa / Resto de finca
Hegoaldean/Sur: Finkaren gainerakoa / Resto de finca
Ekialdean/Este: DORRONSORO MURGUIONDO JOSE RAMON
Mendebaldean/Oeste: Finkaren gainerakoa / Resto de finca

Katastroko izaera/Naturaleza Catastral: Landalurra / Rústica

Horrezaz gain adierazi da Andramendi parean dagoen iturria ere publikoa dela.

Bozketa eginda, aho batez onartu da proposamena.

4.- ESKAERA ETA GALDERAK

Eskaera eta galderen atalean honelakoak aurkeztu dira:

Alkate andreak (EAJ-PNV): "Ezagutu dut plenoan tratatzekoa den Jose Mujica Beasaingo seme kuttun izendatzeari buruzko mozioari, Beasaingo EH Bilduk proposatzen duela mozioari eranstea aurrerantzean Zubimuzu plazari "Pepe Mujica" plaza izendatzea.

Pentsatzen dut Zubimuzu plazaren izendapena toponimiatik etorriko dela. Hain denbora gutxiarekin ezinezkoa da aztertzea izena aldatzea. Beraz, plenoan proposatuko dut mozioa puntuz puntu bozkatzea."

Hasier Agirre Elkoroberezibar jaunak (Beasaingo EH Bildu). "Bakarmena eskatu beharreen nago, guk askotan salatzen duguna egiteagatik, hau da, proposamen berria azkeneko momentuan aurkezteagatik. Dena dela guk ez dugu Podemos udal taldearen mozioa baldintzatu nahi."

Eva Alvarez Atanes andreak (Socialistas Vascos-Euskal Sozialistak): "Guk gure zalantzak ditugu proposamen horren aurrean."

Aritz Corsitto Agirre jaunak (ELKARREKIN PODEMOS EZKER ANITZA / IU-ALIANZA VERDE): "Puntuz puntu bozkatu dezakegu".

Alkate andreak (EAJ-PNV): "Nik ere adostasuna ez dut baldintzatu nahi."

Eta tratatzeko besterik ezean, bilera arratsaldeko seiak hiru gutxiagotan amaitu da eta nik, idazkari naizen honek akta hau idatzi eta sinatu dut.